

賭棋山莊所著書

賭棋山莊詩集序

甲辰春余旣哭亨甫於京師歸益無所與言鬱鬱不自得數月得枚如詩讀之瞿然曰異哉古君子抱有爲之資遭時多故思有所建樹以顯其志旣不得顯而抑塞磊落之氣又無以自發恆假於詩焉發之枚如吾未知其人知其詩矣旣而造枚如定交於嵩山草堂則向之所未知者知之向之所知者益知之其明年余家居多愁病不數日出就枚如枚如亦數日不就余不歡也於時常過從者數人爲黃子肖巖程子石夫及余弟筠川相見必飲飲必醉或歌或泣或狂呼疾走或言詩或不言詩無非詩者又明年余以司訓之宮甯德與數人者別泣然不忍去

而枚如尤甚甯德界嶺海間危峯突兀狂濤溼天虬松千尺擎雲而立余時時如見枚如焉秋宵不寐聞魚龍叫嘯之聲與風雨相應答若有人拔劍而起暗啞嗒叱几案皆鳴此則爲枚如之詩歟於是益念枚如不置也今年春枚如來甯德示余詩百餘首居數月又得詩數十首激昂骯髒慨然於身世之故嗟乎枚如曷不以聞於天下見余言不阿也嗟乎益哭我亨甫不見枚如也道光二十八年秋七月侯官劉家謀拜敘

賭棋山莊集 詩目錄

卷一

古今體五十七首

卷二

古今體七十一首

卷三

古今體三十七首

卷四

古今體七十七首

卷五

賭棋山莊集 詩目錄

古今體六十六首

卷六

古今體四十四首

卷七

古今體七十二首

卷八

古今體八十五首

卷九

古今體四十六首

卷十

古今體一百三首

卷十一

古今體四十七首

卷十二

古今體八十九首

卷十三

古今體五十六首

卷十四

古今體五十四首

賭棋山莊集

詩一

長樂謝章鋌

劉九芑川

家謀

司訓甯德誌別四首

男兒志四方所悲豈離別干戈滿東南株守惜英傑寥寥苜蓿

餐昔有濟時哲六亭揚前旌退谷騁後轍

德化鄭六亭兼才侯官謝退谷金鑾俱以

教諭樹績於時

嶺海方需人願君念餘烈獨憐頑鈍姿無以受磋切

出門逾十年捧袂得張子

任如

與君葭莩親與我性命以百鳥

已高飛鳳皇蹶其趾香蘭萎空谷野草誰爲芷君曰吁可哀太
息長不已君今復遠行含情孰知此

君本醇謹姿治玉深其理奇服佩幽蘭獨立畏人指平生一片

心慷慨酒後起時於鬱勃中哀歌見微旨

賤子辱相知雷門持布鼓青眼入狂歌勗我白與甫江漢日東
流雄心浩終古夜半起看天秋聲滿堂宇歲月已不居千秋勿
噲伍小官亦足爲行矣力自努

酬林二子魚

直

既不能爲李將軍橫行黑塞驅風雲又不能爲賈太傅痛哭金
門策時務便當散髮遊帝鄉倒持玉斗剌天漿後天而老凋三
光奈何昂藏身七尺懷中泣抱連城壁擊劍空悲俠少年棄觚
卻笑文章伯昨夜我夢凌天墀赤龍十二爲我騎列缺奔走豐
隆馳一鞭秋色墜華池羣仙拜堂廡競擘麒麟脯行酒氣如虹

霓裳羽衣舞中有一人歌落梅勸我須飲三百杯我醉長嘯闐
闐開足蹋長鯨下九垓此時南望煙波黑六代江山搖醉筆狂
風吹月雲外來照見劉郎影在側劉郎萬里薊門回尙餘熱淚
黃金臺謂我寄欽磊落非凡才我時不語徒心哀仰天一痛飛
塵埃塵埃遠自江東起一片蒼茫接海水鼉鼉跋浪狂波裏我
欲射之無已矢遠望江妃海若坐嬉虞手弄明珠與珊瑚美人
娟娟何時無劉郎謂我曷歸乎嗚乎我今與汝曷歸乎

寄芭川

愛我真如親骨肉知君自在古心情懷藤館下瀟瀟雨莫向他
鄉作苦聲

宿小金山塔院

夜氣當樓白，高天易得秋。星爭漁火出，風挾海雲流。軍府方多

事，煙波有古愁。

此地曾以夷亂駐兵

應憐一樽酒，撫髀欲何求。

書林古度詩卷後

曹謝鍾譚總兩歧，當年閩派盛藩籬。可憐換劫紅羊後，苦調高

彈林茂之。

答李少棠表弟

敬

我生三歲卽失恃，我家愛我掌珠比。出入顧復不忍離，疎曠親朋從此始。行年十七乃出門，問安曾到水西園。李郎崢嶸頭角見，門外拜揖爲寒暄。李郎之母我從母，殷勤堂上置杯酒。我方

多病母咨嗟問遺時時事奔走秋風蕭瑟又數年李郎忽誦蓼
莪篇傍徨就道千里去負骨歸向南山邊

君父歿於
浙江任所

鷓鴣夜半

啼郊隧獨立蒼茫自涕淚無母無父世所悲我與李郎共憔悴

春暉虛畔木蕭蕭涼日無光白草凋生事艱難不自苦師門高

義逼雲霄

余與君並隨陳秋農師師歿喪葬
之資多出君力子知君蓋以此也

區區之心動掣肘

慷慨對人思援手買絲欲繡己無人醉往市門看屠狗邊城百

里吹哀笳嚴寒掩抑開梅花酒邊拔劍爲君舞西風老樹烏啞

啞君才骭髀眞驚衆百鳥羣中飛丹鳳低首父書自古今屈指

人間誰伯仲有時睥睨橫雙眸獨坐元龍百尺樓對鏡摩挲好

頭頂投筆四顧求封侯海水奔騰東流去深山苦霧虎豹踞文

章不外性情中置身宜在最高處吁嗟乎李郎有母鬢欲皤我亦高堂歲月多平生熱血當奈何死者既如此生者勿蹉跎我願與汝勿蹉跎

短歌

風蕭蕭兮木葉飛日杲杲兮露將晞鳥啾啾兮花霏霏思公子

兮憺忘饑

一解

嗟余冠之嵯峨兮美人之所付也豈奮飛而不萬

仞兮維夫君之故也

二解

澗戶兮深深浮雲兮陰陰抱華年兮獨

處佩幽蘭兮滿襟

三解

河水一去千里兮安能復返夫霄漢風雨

紛其交至兮吾誰與共此昏旦

四解

感事

痛哭長安道書生意氣纒 聖朝自恩澤草野獨迂疏烽火秋

風急關河夜月孤欲持三尺組匹馬向匈奴

劉十一筠川 永松 新構館舍曰得過草堂索詩作此

蹤跡頻年感逝波眼前興廢竟如何秋風吹夢藤花下一曲池

欄夜月多

筠川前於蔚廬治池欄邀同輩落之芭川詩所謂一欄興廢關何事憐取臨風共倚人今芭川去而池欄

亦毀矣

移花補竹見精神小築三欄擁百城卻憶臺江李公子他生辛

苦乞聰明

筠川置書極多欲以臺江李星村此世真堪爲性命他生能否得聰明句爲楹帖

懷芭川

感懷身世哭征鞏班馬哀鳴慘不歡北去關山多落日東流海

水少回瀾干戈滿地悲何極風雨懷人淚未乾欲上高樓看遠道暮雲無際路漫漫

送肖巖

纔送劉郎去送君更惘然知交無幾輩小別亦經年怪鳥迎人下頑山獨客眠停杯念歧路惆悵鬢毛前

書芑川東洋小草後

我友傷心人哀吟聲酸楚方寸擔古憂銜悲不得語中宵多雨風看劍目光怒詰龍謝龍詩甯德早芑川有詰龍謝龍二詩篇中語極沉痛甯德令某見之大忿淒惻極肺腑天心自仁慈醜類恣彊禦君也批其鱗激烈甯無忤譎諫學風人撫卷心彌苦吁嗟古國士信與噲等伍

以荔支餉葉大與端

世森

思君酒後常開眼起聽西園摘荔歌徐謝風流已千古紅雲會
後歇枝多

年年積翠擘紅羅草木無知亦折磨判與梅花共憔悴不堪重

問舊枝柯

烏山積翠寺荔最佳近其地爲夷人盤踞更有宋梅一亦不可問矣

題子魚滄海浮舟圖

烽火頻年急煙波萬古愁能詩有之子痛飲下孤舟海氣魚龍
夜天風草木秋狂歌如可續淬劍水東頭

醉後

大江北去浪聲哀一瞬光陰共酒杯醉後憑欄理雙鬢海風吹

雨上衣來

李二星村

應庚

招飲江樓晚宿其家因出長卷相示並屬題後

走筆書此

罡風倒吹海水黑蓬萊地腥蛟龍逼李侯招我上高樓酒樽獨
抱向江頭江頭暝色慘以綠衰草橫沙滿江曲奮袖起舞天爲
低悲歌慷慨何人續我隨李侯登高堂寒聲四壁日無光示我
長卷餘五尺開卷交好多文章就中劉九與黃大當年意氣相
知最緘書寄我訴離愁近來貧病多無賴黃金何足貴白璧終
須埋狂波北去雁聲哀投杯爲爾空徘徊昔者劉九素稱張亨
甫際亮可憐亨甫竟黃土贈君好句千琳琅筆端淒涼泣風雨

自許英雄亦何補人生萬事皆浮漚華屋幾日成山邱捲卷還
君君莫愁扁舟須訪黃與劉

肖巖病歸自永安愈未十數日復理裝作去計時余亦將有東
洋之行作此送之並以道別

故人第一愛黃童重向沙溪作寓公貧病方深愁閱歷文章無
賴託癡叢斷雲飄泊難成雨弱草迷離况遇風北望斗峯高不
見長年瘴氣闕秋蓬

驚人意氣笑吾頑荷鍤當風種素蘭一自蒙君青眼後三年望
汝碧雲端名山日月消磨易客路風波去住難隔歲霍童招我
出銷魂別淚共誰彈

當年劉九最相知，百里緘書訴別離。痛汝近來悲骨肉，依人自

古失鬚眉。酒尊度曲，都成淚藥。裏關心，敢論詩。客歲肖巖喪其弟若女，芑川自

甯德數移書問肖巖近狀，且述近日多病，不作詩。況有西園李公子，淒涼風雨倚樓時。

少棠與肖巖最善。

此去秋風又幾經，江頭水調不堪聽。故鄉交好憐斜日，異地年

華感客星。可有餘閒供筆硯，且將多病識薺苓。肖巖近體極羸。雙溪流

水來千里照徧長亭柳色青。

戊申有甯德之行，留別張三桂庭。欽銘

令兄墓草已如煙，弱弟橫經又幾年。痛絕彌留攜我道，阿三成

否望君賢。

別少棠

與君親屬三十載近日相知始覺真醉後短衣時見血夢中長
劍欲無人粵王宮闕雲如墨駙馬園林草似茵

君居荔水莊爲
明駙馬都尉王

恭西園
故址

獨倚層樓看去鳥非凡毛骨自艱辛

騎馬謠爲某校作

君馬黃臣馬瘡千里騎馬下匈奴雪花如掌沒馬耳人聲愈怒
馬聲死抽劍殺馬血淋漓獨斟五斗葡萄酒食君肉願
君努力沙場爲道傍健兒鞭馬腹掉頭去就倡樓宿

臨行雜詩三首

門前河水深中有鯉與魴征夫戀夙駕日色慘以黃登堂拜我

祖祖母居其傍我祖顧我言汝去何倉皇祖母撫我頂嗚咽淚
數行三歲失汝母汝今如母長出門卽千里慎哉風與霜

入室拜阿爺阿爺亦太息恐戚阿爺心屢顧阿爺色兒旣違晨
昏兒當慎大節兒有千萬言欲說先嗚咽回頭見我母衰年亦
已迫哀哉死與生抱茲一片血

稚子牽我衣學母問行李少婦倚房幃吞聲貌爲喜叮囑無一
言旣坐復屢起男兒四方心安能顧妻子高原多悲風其下多
濁水平生結髮恩相視淚如此

湯嶺遇鄉人

我從故鄉來不見故鄉路路逢故鄉人說向故鄉去

過白鶴嶺

千尺濤聲南下哀
濛濛天外總塵埃
青山憔悴猶如此
十里黃雲黯不開

寒風吹面損朱顏
無盡鄉心繞故山
山上浮雲山下雨
都含離恨到人間

白塔謠

黃沙遶儂屋
白塔倚郎檐
一夕黃沙起
不見白塔尖

黃沙地與白塔近

旅宿

斜陽淡無色
嵐翠冷衣襟
遠勢明鄉樹
孤行向夕陰
殘裝羞短劍
客路背歸禽
况復階前雨
瀟瀟入夢深

疊石道中作

浮雲聚平野其勢若千尺孤鳥飛且鳴迢迢出深碧頑石帶驚湍繁響西流急山氣鬱喬松悲風爲之積艱難思里閭辛苦傷行役睠彼採樵人浩歌向林隙

余出門時肖巖亦將之劍川近想已束裝矣獨夜被酒感懷書此蓋不獨爲肖巖發也

薄酒不成醉出門思故人關心非別夢回首自傷神於此同歌詠能將息苦辛孤峯橫白鶴欲控總無因

閱甯德縣志雜感

何人佳句賦驚崖零落石湖館亦灰

崔從字殿生名在雲間十八子中寒山陳函輝爲之

賦鸞樓篇

朱子至長溪講學於石湖館

莽莽山川如醉夢風

過黃崎村作

中庸序縣人楊復從之游

花無數海門開

雲下四野如霧如煙名曰風花
主有風天見咸南塘風濤歌

文獻飄零半似煙泊臺瑣語幾遺篇

先方伯在杭公會著長溪
瑣語泊臺在吾鄉朱紫坊

公別

不如禱雨龍湫疏紙尾猶題至正年

景泰三年邑人禱雨
於西山龍湫潭疏文

未善投之須叟別浮片紙乃元至正間禱雨疏也取讀之遂雨

地有名山堪著述人非熱客稱官銜

二語芭川初任甯
德余所擬贈句也

開門爽

氣橫眉際未見夫君見白巖

余到甯芭川已奉公出
甯人交稱芭川賢故云

見月

射鳥歸去轉蒼茫碧海青天別恨長至竟舊恩忘不得嫦娥奔

後更無郎

書范孟博傳後

悲風變元素嚴霜百草折寶劍韜其光奇氣無人識桓桓范夫子青雲矯孤翼狂瀾挾天流一柱亦何益世患旣已深毋甯傷激烈稍或受以需轉恐涅高節緬懷長者風千載猶嗚咽安得蘇子瞻與之言胸臆

郊原

郊原慕朝市縉紳羨山水甘苦未躬親旁觀多可喜食糜自謂冰采蘭妬采芷勞勞終百年外營失內美我有三尺絲屢織未成綺欲繡平原君音容杳難擬珍襲藏篋笥留以視知己

自題聽泉圖

潺潺一片去何之此意蒼茫獨坐知至竟清流成底事在山遙
想出山時

書金臺殘淚記後

一傳中含百苦辛才華如此竟煙塵少年痛哭尋常事我亦悲
歌感慨人

短歌

兩蕭蕭兮滿耳雲黯黯兮千里心勞勞兮焉已一解附晨風而

西歸兮羽摧藏而不能飛也結瓊瑰以爲衣兮雖美好而不吾
奇也二解路之歧矣心之悲矣其誰知之援琴揮之三解已焉

哉長劍既折不可屠狗幽蘭失芳不如衰柳四解

自題酒邊詞

蒼茫天地自朝昏，翦燭樽前屢斷魂。
有意著書甯不朽，無端感憤竟多言。
珊瑚九尺龍蛇走，風雨千秋涕淚存。
昨夜銅絃對明月，海門照見淺深痕。

寄肖巖

黑雲遮山山餘幾，山前鶴鶴聲夜起。
夢中彷彿見吾子，夢回感歎人千里。
我行到此終日悲，猶有知己歌新詩。
想汝蒼茫獨立時，嗟汝貧病傷路歧。
紅顏望斷黃金屋，文章猶抱窮途哭。
蔽天榛莽號豺狼，天涯此駕何人速。
速駕既不來，我行安得回春江。
潑綠如春醅，汝昔不飲我心摧。
汝今欲飲誰爲陪，鳳皇低飛怨

鳩媒鹽車服驢憂崔巍我日爲汝干徘徊

鄭草堂

承芳

約作泛月遊詩以促之

去家三百里茲地苦鬱悶儻非山水歡胸臆何由豁山月照人
衣木葉時一脫風來聞濤聲蛟龍想騰沫平生萬里心慷慨望
天末斗酒呼羣仙哀歌且療渴海嶠易風波清福恐吾奪鄭公
去何遲吾駕已屢秣

紀夢

三歲著麻衣母貌如未睹昨夜夢魂中恍惚與母處呼母母不
應視母淚如雨長跪問母安母曰嗟汝苦汝苦我所知但愁難
汝撫其餘嗚咽聲斷續少完語我時投母懷萬感淩肺腑而母

淚且言男兒力自努別汝廿七年望汝能千古加餐慰亡人胡
爲學兒女七尺頑鈍軀於母竟無補夢回聞烏啼吁嗟母何所

鄭丹溪

思詔

招飲

華堂風雨綺筵開一醉應須三百杯漢室功名誰衛霍梁園賓
客自鄒枚卽今海市鼉鼉舞何日天關虎豹回不見白巖南下
水濤頭千尺沒蓬萊

到甯數月屢逢良夜被酒感懷不能無言

四山無風飛鳥歇白巖千尺對天闕嶺海陰霾昔所悲獨夜照
影偏明月回首鄉關心屢驚狂雲日夕西南傾明月於我干何
事蒼茫百感不能平我生三十載見月幾精瑩月自精瑩我自

老骭髀人間無一成豈能萬事如月常分明君不見達官大屋
笙歌起金樽泛酒驕羅綺酣嬉不問亂與理紅粉一曲霓裳比
焉知天下奇男子又不見風花出沒日色昏蠶市蛟鼉舞且奔
江山雖好何足論痛哭徒悲廣武原嫦娥對此應銷魂照盡風
波過海門風波滔滔向東咽中有英雄萬古血嗟我睹之安敢
說況我近來怨離別一代功名剩嘯歌百年骨肉嗟圓缺吳剛
玉斧親手持癡蟾狡兔相迷離西風桂花吹枯枝廣寒宮殿無
人怡吁嗟平廣寒宮殿無人治而我那得開雙眉

答程石夫

玉英

詞壇當日集鄒枚卓犖程生亦異才時我山陽方聽笛逢君水

榭共銜杯

任如歿於是年
蘭水榭芭川詩屋

玉

無端孤憤誰堪說偶爾狂言世

已猜青眼如今能幾輩雲龍上下費追陪

嶺海南來多病身殷勤雙鯉慰艱辛知誰能了千秋事謂我當
爲一代人白鶴峯高時有霧釣龍臺迴自飛塵酒邊慷慨渾何
意不爲飄零淚滿巾

中歲

中歲傷哀樂於今信此言可憐千載意能與幾人論去國偏宜
夢多愁愛出門夜闌對樽酒風雨屢銷魂

題東湖醉月圖爲蔡笏山

明紳

作

世間萬事皆塵煙人生難得是少年少年不樂亦何意看取江

山在眼前江山萬里搖孤月月華照水明復沒散髮狂歌泣鬼神
屢持寶劍望天闕湖田可耕跡已蕪潮痕來去終模糊卽此
已悟盈虧理傷今弔古胡爲乎君不見鶴嶺之南酒與北十萬
蛟龍天昏黑蔡侯靜者識此意寫作生縮斷腸色雲黯黯兮風
蕭蕭樹颯颯兮啼鴟鴞十洲三島不可以逕到仙人浩蕩難爲
招安能長向此圖坐手弄海波吹玉簫

賭棋山莊集

詩一終

賭棋山莊集

詩二

長樂謝章鋌枚如撰

故鄉

故鄉經濟失龔陳

海峯太守望坡尚書

更歎黃林

莘田大令樾亭孝廉香海太史

筆有神

近日文章誰領袖當時世事未艱辛干戈倉猝無長策歌哭牢

騷想古人手抱牙琴彈不得滔滔滄海日飛塵

婆娑大樹孰登臺施虎藍彪盡草萊

施靖逆侯煩藍總戎廷珍世稱施虎藍彪

一代

功名虛上將八方戎馬惜雄才河山宛轉通增幣池館荒涼話

劫灰更有孤臣千里外中宵長劍自徘徊

雜詩四首

賭棋山莊集

詩二

狂風吹孤雲東西蹟屢易託根既窮谷何必傷行役出山如在
山飄泊亦何益枉抱萬里心猶含千尺澤

微風吹天半明月照我牀起坐看河漢渺渺夜未央匏瓜不可
食黃姑限河梁聘錢亦細事別離爲汝傷

怒龍驅狂雲其勢若干尺突兀四五峯隱見無定跡阿香推雷
車奔走一何急可憐瑤池上酣宴幾朝夕

山花大如斗顏色有輝光採摘插雙鬢凌亂落衣裳衣裳不復
整太息戀餘香置花無一言幽谷誰汝芳

酒邊感賦呈芑川

君不見海若馮夷爭窟宅噴薄狂波幾千尺風煙出沒吹血腥

鶴峯一色無情碧又不見林

保童

崔世召

麟骭空奇才石堂

陳普

亭館亦蒿萊浮光太守悲百將

林仲虎

人間何處麒麟臺英雄已

往難徧哀秋風萬里飛塵埃莽莽海門向天開欲破天關恨無
階我日對此胡爲哉我心鬱勃慷慨三噓唉故鄉二百里日夜
歸心起骨肉久相思詩書不得理何爲困頓在邊鄙相對悲歌
日有幾吁嗟劉郎爾我之外孰知已昨日故人李西園寄我雙
鯉千萬言中言黃生堪銷魂衰草如雲晝掩門艱難八口多淚
痕才名一世真何用肝膽千秋不足論可憐平原公子難復存
可憐手無斧柯坐看蛟與鼉晝冥冥兮飛鳥絕山崩摧兮劍亦
缺臙魅逢人磨牙吮血蒼菴爲芳荃蘭委折浮沈世事何堪說

熱腸到此成冰雪平子多愁不敢休賈生薄宦將安求我今三十汝四十人生百歲孰長留

加糧歎

城中黠如鼠城外闕如虎欲肆汝威終無所加糧官辛苦一解

官謂國有章民謂肥官囊一錢不得入饑渴無人將吏胥皇

皇南鄉北鄉二解吏曰民愚非兵不可替替對官將爲汝禍發

書告太守太守夜半傍徨道左三解太守來官已歸太守去糧

又追吁嗟官兮加糧奚爲替替之民官撫綏四解

午日

千里臺江水應能到海濱可憐弔屈日倍愴所思人

往與任如
端午每作

數日飲今任如
墓有宿草矣

天入窮荒老家從客夢親搔頭且豪語杯酒及

芳辰

夢張任如

仁恬

作東桂庭

雖舉世而不吾知兮猶將懷其故也傷美人之好修兮一旦而

委茲朝露也

一解

竟後望之茫茫兮執余手而言之再諒神明

之不我欺兮胡乃忍而爲此態

二解

蘭杜而摧折兮遲其榮於

荃桂固余情之信芳兮羌欲忘夫年歲

三解

彼籬鴟之笑鳳兮

執騏驥而羈其足信抱璞之寶難兮誨雕人而治其玉

四解

願

白日照吾忠誠兮淚橫襟而不能止苟所期之弗踐兮吾誠慙

夫後死

五解

諱曰滔滔江漢流安極兮勞勞宇宙身安息兮吁

嗟夫子循先路以爲式兮

六解

久雨

一片南來舊明月見人憔悴不團圓孤燈十里白巖下風雨瀟瀟聽夜泉

聞道

聞道臺江水奔騰百尺高孤城飛燕雀頑石助風濤

瀛浦閩安鎮等處以

備夷故多用巨石填塞水是以大

習苦邊民慣瘵饑屬國勞

時暎夷出錢施餓者

天心正

仁愛挽粟近千艘

臺灣運米二萬石方至

我家倚城郭卑溼接兩湖百畝荒應盡重閤急孰呼艱危兼少婦太息念征夫痛絕南來路無端限海隅

書蔡同楚

景榕

海國生還集後同楚甯德人畧於倭三年有僧

俊可放之歸

遙想南塘草檄時蛟鼉十萬避旌旗祇今零落平戎策偏有干

戈照海湄

近甯德以加賦用兵

泥首花門事可悲

陳雲鷺代父瑄質於倭歸著劍遊草雪齋詩集等編

吟成江怨淚如絲

林紳被畧作江怨詩百首

當年前輩風流甚苦海飄零尙有詩

他鄉

他鄉南望路迢迢螺女江光接畫橈無數樓臺供醉夢不堪嶺
海急征徭百年舊事煙雲變一夕哀歌草木凋君看釣龍人去
後至今廢井幾通潮

積薪屠火事堪哀，市虎張皇實禍胎。
防變誰爲身後計，讀書應愧古人才。
已驚風雨堂前逼，况復煙濤海外來。
上考功名甯寂寞，觀兵休上越王臺。

蓼蟲

蓼蟲乃食桂，內苦復外辛。
蓼桂無盡時，辛苦誰識真。

感作

上界徵租徧玉田，天孫惆悵七襄前。
累人無奈黃姑劣，只向璇宮索聘錢。

凌雲臺角是仙鄉，服罷嘉榮看八荒。
夜半猶聞官喚汝，推車辛苦累阿香。

樓臺七寶漾金波竊藥無端走素娥下界那知能蝕月不
明夜
夜怨織阿

奉矢投壺意氣驕東荒石室爲誰邀天公發笑尋常事玉
女年
來屢脫梟

聞風

聞風開笑口此日且爲歡官藉兵威重民知
國計艱輸將終
效順刁悍或偷安善後知何術倉皇淚未乾

寄少棠

看山樓下草菲菲燕語鶯啼總苦饑種罷幽蘭無一事自持
杯
酒看花飛

人間何處不風波一葉輕舟且渡河君下層樓飲江水應知行
客淚痕多

留別芑川

有引

余自甲辰識芑川中間時聚散戊申相從於甯德其秋又小
別關山無賴修名不立情見乎詞不能自己

庭前老樹啼烏鴉悲風獵獵吹黃沙主人置酒飲歸客歸客低
頭見柳花柳花西飛三百里落日關河天色紫廿載蒼茫想古
人一朝感激逢吾子窮削之峯千仞高海門洶湧飛秋濤凌風
大笑踞其頂手挽狂雲看寶刀此時四海方多事此後兩人各
顛顛平子窮愁獨有詩賈生痛哭仍無地思兒亭下聽驪歌白

鶴峯頭苜蓿多愛君不敢留君住碧草消魂黯奈何臨行贈我
吟長句謂我相逢惜遲暮骨肉交情聚弟兄詩書生計嗟門戶
子由風雨還對牀八月槐花空又黃川謂筠遠道寄書相慰藉豈
知身世更倉皇幾血奔騰亦何有謗言二篋誰爲剖知己猶能
諒苦心對人只合緘狂口風鶴無端事已哀鴟鴞毀室復爲災
予文未必童烏與多病何堪夢夜臺悲辛當日真難數相遇尊
前但愁顧元相牀幃泣蕙叢田郎門巷淒荆樹丁未春余幼子
殤先一年肖巖
喪其弟後三月
石夫喪其婦 太息故鄉又一時饑驅彈鋏事奔馳平生壯志
輕千里回首知交滿路歧羣花零落春將半幾度風萍驚聚散
上廡都應比孔融登樓敢謂如王粲防身長劍秋水寒三尺焦

琴譜素蘭夜半仰天起長嘯感君愧君淚暗彈滄波東去常無際
際梁月淒涼滿衣袂上下雲龍抱此情飄零鶯燕知何計

感懷漫書

山陽宿草怨飄蓬瘦日無光泣雁鴻九死人間惟我在萬夫意

氣爲誰雄

任如歿五年矣

豈知劉向還青眼更覺黃滔有古風遂使西

洲門外路銅絃重唱大江東

鸞鶴無聲天際來海邊駿骨久蒿萊鄭虔苜蓿嗟何極楊僕戈

船事愈哀宮府誰關天下計山川苦憶古今才飄零文字猶如

許崔蔡應知泣夜臺

明崔西叟蔡同野俱以詩鳴於甯德今遺集多不可問矣

一白

一自歐陽

詹

起海濱春雲秋日若爲妍晉江

王慎思

綵筆銷沈後

不見梅崖

朱什琇

又百年

海內談詩小草齋曹徐里社自分題東來躡月支提下尙有崔

郎共馬蹄

先方伯在杭先生到甯德與崔西叟刺史稱莫逆同遊太姥霍童

天寒

天寒翠袖冷斜陽但飲江流卽斷腸不種幽蘭種斑竹兒家門

卷近瀟湘

少年三首

少年逼意氣生死不自顧一卷離騷經涕淚已無數製衣必芟荷雜佩亦蘭杜芬芳豈自穢奇服惜遲暮幽篁多風雨山鬼笑

且怒矯矯雙飛龍沅湘誰與度

渺渺東流水誰能測其意蓬萊有淺深何況人間事靈桃凍未
翻神芝種無地吁嗟東方生一飽不得遂珠囊無人讀神仙亦
酣睡願化三青鳥長爲王母使

金闕浩蕩開喬松自千載風吹蕙蘭花冰霜變光采夜半出門
去對月雙鬢改秋聲下千尺蒼茫泣眞宰窮荒舞干戚刑天志
終在獨憐精衛鳥銜石填青海

與筠川

春半出門去秋風忽西起想於尊酒前應念遠遊子關山一何
遙得書無幾紙迢迢白鶴峯相見常夢裏令兄自遠歸揖我色

欣喜萬事不及陳先問君何以羨君守里閭樂君窮詩理聞君
幼女殤恐君悲未已束裝北來時寄言更歔歔低頭看瓊瑰相
望敦行止骨肉逼中年哀樂相依倚風雅有本原抗懷杜與李
久別戀故鄉日夕思雙鯉勿以蕙蘭姿污穢雜荆杞我今述與
君君其庶知此

尺鯉篇

東海水何悠悠朝見鯨鼈暮蛟虬鯨鼈叫嘯蛟虬舞海氣腥臊
走風雨尺鯉欲避無處所吁嗟乎羣真朝帝擁采旄中有一人
字琴高鯉兮龍門駕驚濤笑看蛟虬與鯨鼈滿腹素書且自豪
龍湫雜詩四首

平生嬾奔走每爲看山出茲山雖附郭幽秀頗無匹石門高十
仞哀蟲何啾唧危橋通一線亂泉方奔溢心挾雲俱飛步與鳥
爭疾山犬忽驚人寺門吠曉日

兩崖夾而峙幽風弄秋色中有百丈潭人言龍所息海邦昔苦
雨摧殘及黍稷彼蒼本仁慈龍實失其職豈恃洞府深矢弧不
能弋獨慙享祀崇何以報明德吁嗟龍若此安問蛇與蟻

狂泉如怒馬一縱卽千里更挾雨與風瀕洞沒山趾側聞山下
人太息聲四起苟無潤澤心奔流實堪恥腥臊接海門徒爲蛟

鱷喜石人若有情而壁掩其耳出山甯復清騰聲猶不已

是夜雨甚

瀑大至助以海潮城中水深三四尺石人面壁
一線橋半間樓文筆峯俱在龍湫八景之內

飲酒未及醉孤燈飛蝙蝠危樓對層巒半間堪棲宿新詩十數
首掛壁猶可讀壁有芭川前所作詩獨憐詩中人至今抱憂感嗚乎文筆
峯慘澹闕荒服松柏搖遠青不花亦芳馥

卅年

一代風雲意可哀卅年辛苦走塵埃看人入室題凡鳥揮淚登
臺甲塞貽身世皆非惟有醉窮愁如此敢言才何當手挽東流
水萬里騎鯨下九垓

到家雜詩

敲門驚婢僕遊子忽還家骨肉多時感風霜百慮賒重闈共無
恙往事獨堪嗟卻有窗前月還來照菊花

海水來千里庭階四尺餘倉皇防盜賊飄泊惜詩書

藏書被水百餘卷

人靜孤燈暗窗高夜月虛雖然共辛苦差幸不爲魚
大官甯醉夢比戶自艱辛路盡催租吏門多索負人天心應有
冀世事亦何因因欲抱長沙淚騎雲灑九闔

酒樽對遙夜少婦尙含愁爲語嬌兒病常厘大父憂漫荅甯有
濟卜筮亦難謀恐汝傳聞苦緘書久未投

爲陳天培書扇培秋農先師子

三載蒼茫萬事非亭草色日菲菲亦此慘澹誰留馭丹鳳飄
零總苦饑此日監河空貸粟當年祇樹槐傳衣金鼇山上淒涼
月猶照題名上翠微

叔弼當時遇大蘇樽前惆悵淚能無乾坤蒼莽人何往門戶艱
難勢愈孤豈獨傷心緣絳帳可憐知已久黃墟謂任辦香零落
今餘幾我更饑驅向海隅

星村招飲卽席感贈

李郎磊落亦奇才斗酒狂歌對鏡臺一夜江頭風雨急柳花無
數上身來

何人老大能聲價爲汝聰明惜歲華君看青衫萬行淚酒邊那
更聽琵琶

別肖巖

門前萬楊柳一夕盡悲風獨有黃夫子登高數斷鴻文章皆涕

淚魂魄共西東爲問長流水何時日再中

抱病宿丹陽感賦

當日重閣慶弄璋提攜保抱好相將而今海角天涯去病裏孤
燈夢故鄉

病中雜詩二首

慷慨千里心蓬廬苦局促况乃枕席間愈覺精神枯平生寡道
氣動與萬物觸招災非無妄懿德自不蓄故人視醫藥奔走及
童僕中宵三四起悲感兼憂感

昔我先曾公一病七十載病中時著書微言窺真宰烏乎七尺
身終日皆危殆患至乃謹慎其勢若難待矰繳雖不加銜蘆志

固在所以松柏枝冰霜益光采兢兢抱遺書此志期毋怠

先曾祖燕

田公若蒙齋講義蒙齋日記於修身養性之旨特詳多於病中得之

病中柬肖巖並視少棠

平生護身比護花冰霜往往蝕根芽太歲在申月在亥一疴卅
日掩窗紗繞牀寒蛩作鬼語心如大海浮孤槎肝焦肺燥不可
道筋懸骨痛聲啞啞此時心頭萬感惡耳邊但覺人喧嘩旦暮
之間屢寒熱魂魄聚散風搏沙黃生昔抱病我聞萬容嗟關山
甯可越醫藥敢無差今年我亦病在天之涯故人視我愛有加
雖然視我愛有加而我蒼茫宇宙驚霜華慨慷壯志詎非耶無
聊乃復思還家吁嗟乎李郎胡爲江南楚北馳遊車

會芑川

同功繭斷總纏綿共命花開尙可憐君向成連臺下過滄波明

月有孤弦

芑川將調任臺灣

柳

落日江潭渺渺波眼中瘦影太婆娑當年張緒今何在不獨天涯別恨多

舍南

舍南舍北日黃昏雞犬歸來各識村漠漠雲山宜獨立蕭蕭車馬亦何言衣冠避叔桃源洞邱隴埋羞廣武原欲駕長風出滄海提戈蹋浪斫蛟龍

卅年烏兔倏經過潘令蕭疏鬢已皤著述敢言留海內平生不
似老巖阿婆娑瘦影憐垂柳鳴咽哀聲感逝波且向尊前謀一
醉更邀明月看狂歌

懷少棠

北風吹獨夜之子近何如青草日以綠鄉關萬里餘家貧能事
細心古世情疏應念門閭望何徒歎索居
以君苦行役使我感蹉跎故國誰安宅窮年尙嘯歌雄心病後
減苦語酒邊多至竟看青史男兒不輒坳

酒邊贈歌者

幾輩霓裳奏大羅蓬萊隨處好風多君看裂石停雲手苦向人

間喚奈何

粵王去後有孤臺臺下蒼茫盡草萊借汝銅琵琶一曲風雲龍
虎不須哀

讀全閩詩話雜感

巷南巷北種垂楊剩粉殘脂總斷腸枉說才名魚肚白文章只
合話蕭娘

余淡心

縹囊十萬盡塵埃讀曲談詩亦異才千頃堂前半秋草問奇誰

記曠書臺

黃俞邵

銅絃一曲大江東雁水鐸鐸亦自雄竹垞旣亡蘅圃老甃園壇

拈易秋風

丁澹汝

家國蒼茫淚未乾，登臨此日且爲歡。題詩自寫驚人句，敢望吹

噓借長官。

張超然

二梅亭下草如煙，剩有新詩一百篇。十載淒涼慈母淚，那堪讀

史數堯年。

謝古梅

懷人詩

有引

羈旅他鄉空庭對月睽，懷生平頗多知己撥。其尤者成詩四
首，正繁銷憂，聊復作賦，士衡歎逝亦以思哀云爾。

談經家術一儒冠，倒屣曾蒙異等看。那有萬言書可上，大才真

愧說槃槃。

陳竹士先生 先生諱淇，閩縣歲貢生，大父友也。設

教於城西門，徒甚盛。評余文曰：倚馬萬言，槃槃大才。

朝定多風采，自後

異日立。朝定多風采，自後

子每晉謁先生，必迎送之。

眼底何曾有腐儒，獨將駿快許狂奴。酒酣教誦平戎策，不到沙

場不丈夫。

陳米修先生，先生諱善，改葆善，由鄉舉官教諭，亦大父友也。余年十八，謁先生，少年氣盛，言論頗不檢。

先生喜其駿快，留之飲，飲酣曰：子須讀兵書，立功沙場，今之丈夫也，莫作腐儒。

惆悵心喪已四年，間經堂下草綿綿。當時崛強消磨盡，一憶遺

言一惘然。

陳秋農先師，師諱瑞，年閩縣學生，余前後相隨，凡九年，師素謹飭，而余好縱橫，師嚴閉之，然每語人曰：

此子崛強，須讓三分。

似此人間誰識我，從今地下始逢君。飄零斷句真成讖，獨向寒

山看夕曛。

張君任如，任如生平見余所撰哀辭首二句，余哭任如聯語末句，任如舊所作者。

賭棋山莊集

詩二終

賭棋山莊集

詩三

長樂謝章鋌枚如撰

南望

滾滾黃塵終日浮故鄉南望有高樓如何樓下春波活不向飛鸞江上流

早春天氣似深秋玉女金仙黯黯愁一夜梅花零落盡黃雲衰草滿滄洲

酒後感賦視劉秋海

志博

解元

鸞鶴飛塵暮復朝海風叫嘯下層霄樽前無限滄桑感卻聽劉郎話玉簫

賭棋山莊集

詩三

羽聲慷慨走驚潮落日煙波萬壽橋那曉旗亭種楊柳黃郎

華林

吉陞部一夜鬢蕭蕭

歌者

春日雜詩

悶極登牀睡悲風永晝號年華驚鼎鼎世事益滔滔海燕窺巢
急籬雞覓食勞酒杯持不得况是讀離騷

黯黯離雲外山樓百尺高無人消磊塊何日奮蓬蒿世棘宜安

拙心長悔獨勞他鄉方作客墜絮滿征袍

少棠往蘇州四閱月不得其消息

當日崔州守登壇意自豪文章甯可恃池館亦徒勞所就雖如

此吾生惜不遭承禎鍊丹處風雨况悲號

崔西叟家靈谿建亭三十六元宵張其詩

於壁每夕易之太姥

有司馬承禎丹井

秋風

弄鳳騎龍碧落寬
玉闌干外覺衣單
秋風瘦盡王孫草
手采芙蓉露未乾

禊日感作

修禊當時集異才
芙蓉詩卷竟蒿萊
春波依舊門前綠
惆悵人

間說泊臺

在杭先生曾與陳薦夫鄭孟麀諸公修禊於芙蓉園之泊臺有詩卷今佚

刺史文章亦出塵
溪雲閣下更無人
持杯便有滄桑感
此意何

由問水濱

溪雲閣在崔西叟修禊處

桂樹

桂樹陰陰罷曉妝
樓臺七寶搗元霜
自從消受嫦娥杵
染得衣

衫十載香

羅列鴛鴦七二行
瑤笙一曲唱求凰
春風吹冷胡麻飯
無數桃花憶阮郎

留別諸同人

樓頭問月畫圖開

崔刺史西叟

海國生還匹馬來

蔡同野學博

姓氏誰尋

名士傳文章
應望後賢才
當時縞紵通詩卷
此日煙霞換劫灰

我本芙蓉舊園主

在杭先生與刺史甚善作小草齋詩話並及學博遺事又修支提霍童二志

登臨

馬古不勝哀

蕉葉城孤落日黃
東陂壞後水汪洋
幾經烽火迷離苦
那更魚龍叫嘯狂
獨抱雄心聽歌哭
欲從朋輩問行藏
離騷讀罷遙天

碧猶見傷時淚數行

酬崔松門

挺新

簾外棠梨亂作花
悲風繞地叫孤鴉
可憐三十六亭水
嗚咽谿頭到日斜

憑弔千秋共歎嗟
崔郎家世自清華
樓頭好月依然在
可有文章繼霍霞

松門西叟刺史裔
孫刺史一字霍霞

臨行答蔡笏山

小窗明滅簇春星
寰海魚龍夜氣腥
醉後仰天雙眼碧
夢中照影一燈青
平生詩酒皆餘事
他日雲山儻再經
白鶴有情還識我
卻隨楊柳下長亭

感作

柳花無賴已如絲
終日山齋雨腳懸
二十五郎半零落
他鄉卻遇李龜年

送芑川肖巖之東瀛

久嘗艱苦祇餘淚
便對妻孥亦寡歡
獨夜仰天發悲嘯
送君那更路漫漫

依人自愧如張儉
置驛誰能學鄭莊
衰草連山天黯黯
夢魂無夜不他鄉

漫說

漫說千秋強自寬
當春百感忽無端
文章地僻成名易
歌笑時

危稱意難不少綈袍憐范叔只愁風雪老袁安平生跋扈飛揚
氣仰屋偏令結古歡

近來池館儘蒼涼早起開窗見綠楊豈有長條垂遠道苦將飛
絮覆東牆關山莽莽多離思天地昏昏入醉鄉聞說故人滄海
外每從杯酒憶疏狂

當年慷慨張平子地下於今已七年愛我頗能無俗念對君不
敢說時賢祇今墓草埋蝴蝶那更家園聽杜鵑弱弟畧知解詩
思孤燈相對誦遺編

尙欲雄心攬九州江山如此幾封侯古人得見應青眼同學相
逢漸白頭傾倒酒壚千日醉消磨禪榻一春愁年來抱盡梁園

病辜負元龍百尺樓

遊仙

天孫醉夢碧雲間
烏鵲填河敢自閒
徹夜西風毛骨冷
不將辛苦訴銀灣

當時姊妹冠仙鄉
玉笈齊翻八寶章
得入紫清爲內侍
觀靈從此遜觀香

未必眞珠比字多
仙廚薪米費張羅
彩鸞跨虎尋常事
苦向洪州寫韻何

文辭不遜尙能豪
索米長安溷若曹
四十萬言饑欲死
舍人只合口無毛

寄芭川

無端身世付癡聲，卻遣文章學送窮。
謝傅幾時成小草，子雲自昔薄雕蟲。
捫心應待千秋論，放眼誰爲一代雄。
山海回環牙曠在，不應爨下有焦桐。

寒食西風上柳枝，尊前雙鬢欲成絲。
誰人能會蒼茫意，對酒時爲恁悅辭。
流水出山終浩蕩，閒花在樹未迷離。
瀟湘蘭芷無窮碧，日落江湖有所思。

遊方廣巖

百尺履岩竄路狹，心屢警到山不見。
山一隙，窺松影側足入天門。
遙聞鐘聲引孤閣，倚空華片巖覆其頂。
石屋容千人，裹身知

雲冷山僧愜幽性見客禮數省蒲團此靜坐澹然萬慮屏
靈羊去何之一洞闕秋冷幽花不受風石縫緣孤梗新泉噴珍
珠碎流未得逞忽散作雨絲丹碧弄虹影獨立向寒松靜趣時
自頷老佛久無言微笑發深省擾擾此方寸陶汰須佳景不妨
戀一邱寄心白雲境

閉戶

可憐歲月去堂堂何處雲山不斷腸天地與人供俯仰文章閉
戶獨猖狂殘花傍岸還成色離鳥投林各自忙一夜相思滿江
曲棹歌漁笛共淒涼

招有巖飲作

童年已自勞身慣九死猶徵熱血多從此江湖閒不得暫時對酒與當歌

人間萬事是耶非惆悵尊前好舞衣我向釣龍臺上望亂潮如馬走斜暉

題劉炯甫 存仁 岷雲樓詩草

師友論風雅陳恭甫太史張亨甫道最尊每於性情地招得楚騷魂

大雨羣龍戰深叢一豹蹲夫君抱瑤瑟結契淡無言

爽氣迎人出清談雜笑呼文章兼老輩肝膽及狂奴獨得江山

助如披主客圖炯甫出門所作尤勝殷勤對樽酒吾道未爲孤

賭棋山莊集

詩三終